




REPUBLIKA E KOSOVES/REPUBLIKA KOSOVA/REPUBLIC OF KOSOVO
AGJENCIA KUNDER KORRUPSIONIT
AGENCIJA PROTIV KORUPCIJE
ANTI-CORRUPTION AGENCY

Dep. 2-D/DPK
Nr. i faq. 03
Broj stranica
Nr. pages

Nr Prot. 01-1077/14
Br Prot. Prot No.
Data 20-03-2014
Datum Date
PRISTINE



Republika e Kosovës
Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI – CORRUPTION AGENCY

DATË/A:	18.03.2014
REFERENC-Ë:	AKK-D.P.K.
PËR/ZA/TO:	Z. Gazmend Shabaj – Drejtor i Zyrës për çështje akademike në Universitetin “Hasan Prishtina” të Prishtinës,
Cc:	
PËRMES/PREKO/THROUGH:	
NGA/OD/FROM:	z. Hasan Preteni – Drejtor i Agjencisë kundër Korrupsionit
TEMA/SUBJEKAT/SUBJECT:	Opinion - Ofrimi i këshillimit profesional lidhur me Parandalimin e konflikti të interesit në ushtrimin e funksionit publik

I nderuari ztr. Shabaj

Lidhur me informacionin e pranuar në Agjencinë kundër Korrupsionit (DPK-03-247/14), ju njoftojmë se; në kuadër të kompetencave të Agjencisë kundër Korrupsionit lidhur me konfliktin e interesit, sipas Ligjit për Parandalimin e Konfliktit të interesit në ushtrimin e funksionit publik (L.P.K.I.), Agjencia; *”bënë këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave, dhe për çështje të etikës të lidhura me to, si dhe me regjistrimin rast për rast të interesave”*, (Neni 19, pika 1.5, e Ligjit Nr.04/L-051).

Lidhur me kërkesen tuaj, në pajtim me mandatin që kemi dhe duke u bazuar në Ligjet bazë të Agjencisë, për rastin e caktuar, kemi nxjerr këtë :

Faqe 1 nga 1

OPINION :

Ushtrimi i funksioni publike si Drejtor i Zyrës për çështje akademike në Universitetin “Hasan Prishtinë” të Prishtinës, dhe Anëtar i Kuvendit Komunal të Pejës, shprehimisht nuk është i ndaluar me Ligjin për Parandalimin e konflikti të interesit në ushtrimin e funksionit publik (Nr.04/L-051).

Arsyetim:

Këtu do tu njoftojmë cilat situata konsiderohen konflikt interesi për zyrtarin dhe po ashtu, në bazë të kërkesës tuaj me numër protokoli të AKK-së DPKI-02-4055/13, do të përgjigjemi në pyetjen që ju e keni parashtruar në shkresën tuaj të datës 11.02.2014.

Së pari është me rëndësi të citojmë nenin 6 të Ligjit për Parandalimin e konflikti të interesit në ushtrimin e funksionit publik, i cili përkufizon *çka është konflikti i interesit ?*.

Nga ky përkufizim kuptojmë, pos të tjerash, se; *“konflikti i interesit është gjendja e mospajtimit ndërmjet detyrës publike dhe interesit privat të zyrtarit të lartë, kur ai ka interesa private të drejtëpërdrejta ose të tërrthorta, personale ose pasurore, të cilat ndikojnë, ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik”*.

Po ashtu në Nenin 8 të Ligjit për Parandalimin e konflikti të interesit janë të përcaktuara detyrimet e zyrtarit të lartë për të shmangur situatat e konfliktit të interesit në ushtrimin e funksionit publik.

Rasti i juaj konkret ka të bëjë më tepër me sqarimin e asaj që quhet papajtueshmëri në ushtrimin e funksionit publik, duke qenë se ju keni një funksion si Drejtor i Zyrës për çështje akademike në Universitetin e Prishtinës, ndërkohë që jeni certifikuar edhe si Anëtar i Kuvendit Komunal të Pejës.

Meqense Ligji për Parandalimin e konflikti të interesit nuk parasheh kufizime të kësaj natyre e as nuk e ka të paraparë si papajtueshmëri në ushtrimin e funksionit publik, ne ju kemi referuar Ligjit për Shërbimin Civil të Republikës së Kosovës. Konkretisht nenit 17 që flet për “Nëpunësit civilë të zgjedhur ose të emëruar në detyrë publike jashtë Shërbimit Civil”, dhe ate si vijon:

1.Nëpunësit civilë mund të mbajnë, përkohësisht, pozita politike. Gjatë mandatit të tyre në këto pozita, statusi i tyre i nëpunësit civil pezullohet për shkak të mospërputhshmërisë ndërmjet emërimit politik dhe statusit të nëpunësit civil.

2. Nëpunësit civil, të cilët janë kandidatë për zgjedhjet komunale dhe qendrore, vendosen në pushim të veçantë pa pagesë një (1) muaj para zhvillimit të zgjedhjeve deri në certifikimin zyrtar të



zgjedhjeve. Nëpunësi civil i cili nuk zgjidhet ka të drejtë të kthehet në vendin e tij/saj të punës në shërbimin civil një (1) javë nga data e shpalljes zyrtare të rezultateve të zgjedhjeve.

3. Nëpunësit civil nuk mund të mbajnë pozita drejtuese në parti politike dhe të jenë aktiv politikisht.

4. Shërbyesit civil që janë të zgjedhur në zgjedhjet komunale dhe qendrore kanë të drejtë të aplikojnë dhe të konkurrojnë me kandidatë të tjerë për cilëndo pozitë të lire në shërbimin civil.

Prandaj ju rekomandojmë që të veproni konform këtij Opinioni për të parandaluar dhe shmangur çdo situatë që mund të sjellë zyrtarin e lartë në gjenë të konflikti të interesit sipas dispozitave ligjore në fuqi.

Me respekt,